



PORTAVÓS VI GOVERNUN KONSTITUSIONÁL



KOMUNIKADU BA MEDIA

Loron 2 fulan-marsu tinan 2015
Dili, Timor-Leste

Governu Konstitusionál VI fó-sai rezultadu sira kona-ba ninia mandatu iha semana rua dahuluk nian

Iha sorumutuk Konsellu Ministrus nian ida, iha sesta-feira, diskuti ona Programa Governu Konstitusionál VI nian. Sorumutuk ida ne'e intensivu liu iha semana rua ne'ebé nakonu ho atividade sira atu estabelese baze sira kona-ba servisu ne'ebé Governu hakarak atu kompleta, iha durante ninia mandatu, to'o remata tinan 2017.

Governu foun, foin semana rua simu nia pose, iha segunda-feira, loron 16 fulan-fevereiru. Iha kedas loron ida tuir mai, membru governu sira hala'o sorumutu atu aprova Lei Orgánika, ne'ebe' presiza, atu bele hahú hala'o ninia funsaun sira. Tanba iha remodelasaun Ezekutivu nian, importante tebes atu hetan lei foun ida ne'ebé bele define estrutura Governu foun nian, nune'e mós papél no responsabilidade Ministériu ida-idak nian.

Hafoin ajusta no hadi'a buat ruma, maka sorumutuk ida ne'e rezulta aprovasaun, hosi parte membru Governu nian sira hotu, kona-ba Lei Orgánika foun.

Hosi ne'e ba oin, maka membru Governu sira bele dedika an ba servisu importante tolu, ba-ihá preparasaun ba sorumutuk sesta-feira liu ba, kona-ba Programa Governu nian.

Dahuluk sira hato'o progresu hirak ne'ebé hetan iha tinan 2012, konta mós ho Programa Governu Konstitusionál V nian, hodi identifika rezultadu sira no destaka mós limitasaun hirak ne'ebé la fó dalan atu bele hala'o programa. Daruak, membru Governu sira prepara sujestaun sira ne'ebé práttiku liu ba Governu Konstitusionál VI, ho baze ba-ihá projetu sira ne'ebé bele implementa ka ba projetu sira ne'ebé mak atu implementa iha tinan rua ho balun tuir mai. Datoluk, membru Governu sira tau iha konsiderasaun no dokumentasaun ba atividade prinsipál sira ne'ebé Governu sei hala'o iha loron atus ida dahuluk nia laran. Iha sorumutuk loron sesta-feira nian halibur hotu kontributu hirak ne'e ba Programa foun Governu nian.

Iha semana rua liu bá, iha ninia diskursu ba dahuluk nu'udar Primeiru-Ministru, Dr. Rui Maria de Araújo promete katak, iha ninia Ukun nia sei fó atensaun liu ba-ihá "hadi'a prestasaun servisu no iha kualidade iha obra sira, ho forma ida ne'ebé eficiente, efikás no responsável" no nia temi mós katak sei bele identifika Governu ne'e liuhusi rezultadu servisu nian sira hotu ne'ebé mak nia hala'o tiha ona.



Ágio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl

Portavós Governu Konstitusionál VI nian, Ministru Estadu Ágio Pereira, hatete katak “Governu hahú nia servisu ho forma ida ativu no konstrutivu tebes. Membru Governu sira fó sira nia atensaun maka’as tebtebes ba knaar sira ne’ebé sira sei hala’o ba oin, ho hanoin katak presiza atu hato’o rezultadu ne’ebé di’ak duni, iha tinan rua ho balun oin mai, hodi servi loloos povu no lori Nasaun Timor-Leste ba faze dezvoltamentu nian tuir mai”. **REMATA**



Ágio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl